

太湖備考卷十二

東山金友理纂述

弟友瓚校

集文一

集文之例與集詩同而於文尤慎非惟涉二氏者
不錄卽紀遊諸名作亦割愛焉至若水利兵防已
各從其類具錄於前茲不再見前畧而未詳者仍
錄其全文

五湖賦

吳楊泉

乃天地之玄源陰陽之所徂上值箕斗之精與雲漢乎

同模受三方之灌溉爲百川之巨都居揚州之大澤苞
吳越之具區南與長江分體東與巨海合流太陰之所
絃立靈之所遊追湖水而往還通蓬萊與瀛洲爾乃詳
觀其廣深之所極延袤之規方邈乎浩浩漫乎洋洋西
合乎濛汜東苞乎扶桑日月於是出入與天漢乎相望
左有包山連以醴瀆岸維崔嵬穹窮紆曲右有平原廣
澤漫延旁薄原隰陂阪各有條格茹蘆葦亂隱軫肴錯
衝風之所去零雨之所薄

見藝文類聚王文恪云上下疑有缺文訛字重其古也而錄之

太湖賦

明朱右

客有鄒陽生號遠遊公子佩儻玫瑰超奇拔偉衣白雲

之翩翩哉危冠之鞞鞞神怳怳以欲逸風飄飄而凝佇
於是上會稽探禹穴訪遺踪超洞壑輶車前驅輜重紛
錯王子進之以笙鶴江令贈之以芍藥遂乃揚帆錢塘
鼓楫中吳將欲窮覽山川壯遊江湖造松陵主人而懽
然從予主人曰子號歷覽亦嘗聞澤藪之大有三萬六
千頃者乎生曰未也可得而聞歟主人曰唯唯夏名震
澤周曰具區下屬三江實爲五湖右接天目宣歙出溪
之源左通松婁中江入海之如衆流之委羣利之儲蓄
溪出其南漂水經其西五灣瀦其東垂虹界其隄流甘
泉之清液隱雪灘於北隈洞庭中起林屋天開渺彭蠡

春雲夢駕雷夏軼孟緒杳不知其幾千里之爲遠疇能
計夫三萬頃之有餘其澤則汪洋浩瀚洶湧齋潏瀾漫
淖溟渙渙沄沄流飈吹波結絡龍鱗日光玉潔澄沆氣
氤清瀾凝漪錦花成文浪濤噴瀆澎湃沄沄出雷騰虹
蒸雨生雲呼吸陰陽吞吐乾坤如潮汐之不測或早暮
而異觀飛揚蕩薄迅瀕汨淪千態萬狀不可殫論其數
則碧沙曼衍黃石瓊玖莎薜蕪葭白蘋青蒲荇芹蒹藻
菱菰荻蘆蔓青杜若江蘺靡蕪芡實雞頭草長龍須芰
荷翠沃蓮藕芬蓴衆物居之何可勝圖其土埂則塗泥
微露埤溼就乾歲新蘆蒿蒹芷蘅蘭菖蒲馬荔荃蓀射

干朽楊絮白水柳葉丹蘋蓼早綠榆楓暮殷朱橘火齊
黃柑金丸連枝並秀駢集乎其間爾乃風流梗概溥覽
闌斑兩兩相峙鬱乎崇山其山則層巒崑崙疊嶂嶙峋
岑嶽參差如陵如墳崔嵬茜翠陂陀糾紛上拔仞岡下
臨渚瀆控地軸以磅礴逐水曲而折旋馬跡屹立以嶷
嶷翠峰峻拔以盤桓憂浮雲之流景俯蛟龍之深淵空
谷豁舒以無底磴道蜿蜒而相連其中乃有奉真之祠
供佛之堂琳宮道觀梵宇禪房煙雲縹緲金碧焜煌黃
冠緇衣徃來而徜徉談玄讚空學幻言龍或高堂以演
武或擊鮮而稱觴駕白魚之飛艫泝重湫之流光水產

則黏蟻旋螺土蛤石花鮎鱧鯽鯢鱖鯢鱗鯢鱗鯢鱗鯢鱗
頰尾之魴細鱗之鱸紫甲之蝦稻蟹盈尺巨龜專車長
蛟潛鱣穹龜靈鼃周游涵泳其樂無涯羽禽則晨鵠莊
雞鵠鵠鳬鷺鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠
駕鵠遠舉鷗鷺忘機王睢並鶩鸕交飛振翮刷羽以
敖以嬉來如雲集去若煙晞若乃絕岬之濱漸水之石
或伏或倚或卧或立或方如珪或圓如璧或矗如峰巒
或平如几席或滑若脂肪或廉若劒戟或赭而赤或蒼
而碧或縞如玉或黝如漆為中流之砥柱若逆河之碣
石怪恠奇奇熒熒礫礫斯又天造之神工而出乎茲水

之蕩激也思昔夫差競霸圖勲鏖戰於此勝負未分旌
旗蔽空舳舻如雲始魚鼈以爲樂終麋鹿而成羣廼若
歸釣之徒著書之士去國鳴夷泛舟西子亦復渺渺滄
波茫茫白水主人之辭未終鄒陽生肅乎改容喟然而
歎曰甚矣世道逾下而人心之不古也吾子好學頗識
典策不述職方之經邦而盛稱茲澤之庶殖不思禹蹟
之胼胝而徒歎英賢於戰國皆非所以極遊覽之願望
而擴夫五性之至德也遐思往古擊節太息請誦主人
所聞而陳予所得嗚呼噫嘻浩蕩方割懷襄未平九域
混而莫辨百潦壅而不行支祈倔強於淮甸天吳猖獗

於海溟時維茲水震蕩靡寧淖淖洶洶若轟轟疑撼
天而動地猶駕雷而鞭霆類不周觸而天柱折若巨鰲
抃而洲島傾斯震澤之所以錫名也迨夫九載暨南庶
土交正波神受職川后奉令應龍畫地以効功庚辰持
戟而制命導吳淞以安流別淮海而表境於時澤安其
所水順其性鳴者自停動者自靜斯震澤之所以底定
也千載而下美哉禹功昏墊之害既遠灌輸之利無窮
故漁人舟子之出入豪商薄宦之經從擊楫鼓浪引帆
隨風莫不連樯接觸往來乎其中斯又具區之藪以萬
民惟正之供也方今海宇清明朝廷靜謐內宣民化外

脩貢職農安其耕女効其織工習其業商估其值士守
遺經民食餘力風不揚波水不濫洑方鎮以寧土地墾
闢開禹之疆廣禹之績是以九州之外咸仰聖育沾濡
乎仁義涵泳乎道德浹洽恩波沐浴膏澤漸摩浸潤流
衍洋溢天無亢燥之災人樂沃土之逸試言其故則辟
雍湯湯聖化行矣靈沼洋洋聖澤汪矣御溝溶溶生意
湛矣溥德川流達道荒矣下視一隅寧不隘杯水於坳
堂矣主人於是聳然樂聞憮然自失仰神功之長存慨
餘乎其何益相與鼓枻乎滄浪曾不芥蒂乎胸臆迺起
爲詩歌以頌德詩曰於赫禹功配天此隆生我遺氓

我土中原隰昫昫江漢爲東萬世永賴維禹是崇於皇
禹德立我民極手胼足胝救焚拯溺鑿井而飲耕田而
食靡謝天功焉知帝力於昭太上示民以應眷佑我皇
與民立命開禹疆土繼禹作聖其混合四大維民之正
於穆聖皇維上帝不常敬哉有土亶亶弗敢康五嶽四
瀆七澤九岡罔不脩其職來享來王來享來王受天之
祐於萬斯年睦我有土有民有子有孫有引勿替
以頌茲文

廣通壩考

明韓邦憲

廣通鎮在高淳縣東五十里世所謂五堰者也西有固

城石曰丹陽南湖受宣歙金陵姑孰庸德及大江水東
連三塔蕩長蕩湖荆溪震澤中可三五里頗高阜春秋
時吳王闔閭伐楚用伍員計開河以運糧今尚名胥溪
及傍有伍牙山云左傳襄公三年楚伐吳克鳩兹今蕪湖至
於衡山今烏程哀公十五年楚子西子期伐吳至桐汭今建湖蓋
由此道鎮西有固城邑遺址則吳所築以拒楚者也自
是湖流相通東南連兩浙西入大江舟行無阻矣而漢
唐來言地理家者遂以爲水源本通桑欽水經云中江
在丹陽蕪湖縣南東至會稽陽羨入於海前漢書地理
志於丹陽蕪湖志云中江出西南至陽羨入海應劭類

師古註溧陽云溧水出南湖後漢書郡國志蕪湖中江
在西孔穎達書義疏亦引漢史爲證蓋皆指吳所開者
爲禹貢三江故道耳後不知何時漸湮景福三年楊行
密據宣州孫儒圍之五月不解密將臺濛作魯陽五堰
拖輕舸鎖軍故得不困卒破孫儒魯陽者銀林分水等
五堰壩左右是也壩西北有吳漕水言吳王行密所漕
也至宋時不廢故高淳易洩民多墾湖爲田者而蘇常
湖三州承此下流水患特甚宜與人進士單鏐採錢公
輔議著吳中水利書以爲築五堰使宣歙金陵九陽江
之水不入荆溪太湖則蘇常水勢十可殺其七八元祐

中蘇軾稱其有水學并其書薦於朝詳具東坡奏議中
時用事者方欲興湖田未之行也故永豐等圩官司所
築無慮數十萬而固城石臼丹陽之間大抵多圩田矣
宣和中待制盧襄奏罷湖田及言開銀林湖為非切務
於時田方屬蔡秦韓諸將相家及隸行宮不便塞河卒
未行也乾道中周益公南歸錄尚謂由鄧步東壩銀樹
可通舟至固城黃池景定建康志及祥符圖經亦謂瀨
水西承丹陽東入長蕩湖足可徵胥溪尚通云元伯顏
攻臨安三道並進叅政阿剌罕攻破銀樹東壩至伍牙
山敗宋兵實出此道而河流亦就塞明興高皇帝定鼎

金陵以蘇浙糧運自東壩入可避江險洪武二十五年浚胥溪建石閘啟閉命曰廣通鎮設巡檢司稅課司茶引所當是時湖流易洩湖中復開河一道而尚阻溧水胭脂岡乃命崇山侯鑿山通道引湖水會秦淮河入於江於是蘇浙經東壩直達金陵爲運道云崇山侯者李新濠人也初以建孝陵功封侯焚石而鑿之費油麻不貲石盡赤岡脊本易通有嚴氏者慮損其田以女賂侯故迂其路侯坐極刑死時洪武二十八年也文皇帝遷都於北運道廢永樂元年蘇人吳相互以水之爲蘇常患也引單鰲議奏改築土壩增設官吏歲僉溧陽溧水

入夫各四十看守自是宜歛諸水希入震澤矣而壩猶
低薄水間漏洩舟行猶能越之正統六年江水泛漲壩
大決蘇常潦甚國稅無所出周文襄楊賀一大集夫匠
重築之欽降板榜如有走洩水利渰沒蘇松田禾者壩
官吏處斬夫鄰充軍十二年張惠等奏復故河道勘行
屢歲未決成化四年普施奏阻之十二年牟都御史俸
溧陽知縣靳璋又議復常民張端又奏阻之大抵利塞
者壩下諸郡利開者壩上也後車夫與商爭利於陸行
正德七年給都御史俞諫以稅利乃令鎮江府通判齊
濟舟督責增築壩三丈自是水盡壅高溥之圩田日就

地矣顧其時懇辭往復在開壩未有言減稅者里甲傾
敗其半嘉靖初宮保李公克嗣奉勅行詢水利有白子
俊者呈復壩河乃命應天府治中周某通判呂某勘行
開濬會歲歉止歐夏兩撫臺時程儀鳳再懇之然意在
通舟耳三十五年倭入寇商旅由壩行者絡繹不絕沿
壩居者利其盤剝復自壩東十里許更築一壩即古分水壩處兩
壩相隔湖水絕不復東今壩官及溧陽壩夫俱不存矣
蓋余他日按輿圖原本山川金陵地脈歷閩浙踰東壩
至茅蔣勢本聯絡秦漢以前高渟固魚龍之宅也自有
胥溪三湖東歸震澤民始得平土居稍稍墾湖田爲業

宋時燁火最盛今冬春水涸時湖中往往見磚石井階
蓋舊民居云自築壩以來水勢壅遏田漸淪沒多矣而
賦額日增戶口視前僅十之三則惟壩之故嘉靖戊戌
穀田致虛懸米八千由今而後田之將圯為湖者未有
紀極也父老言湖底與蘇州譙樓頂相平假今水漲時
壩一決蘇常便為魚鼈當庚申辛酉間大浸稽天淳民
紛紛欲掘壩會下壩偶決溧陽宜興而下勢若懷襄有
以聞於華亭徐相國階會知縣方沂入覲召諭重禁之
余時在京師韓子曰廣通壩者所以障宣歙金陵姑孰
廣德及大江之水使不入太湖者也自前代皆云中江